



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-I/25-3-40-363-3/21

Datum: 08.09.2021. godine

«Agencija za vodno područje rijeke Save» Sarajevo rješavajući po zahtjevu pravnog lica «ABC-1968» d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta izgrađenog u ulici Ciglanska 28, općina Centar, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «ABC-1968» d.o.o. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije poslovnog objekta – autoservis, autopraonica i salon automobila, izgrađenog na zemljištu označenom kao k.č. broj 1541/3 i k.č. 1646/2 K.O. Sarajevo VI (novi premjer), što odgovara k.č. broj 2645 K.O. Sarajevo LIV i k.č. broj 2545 K.O. Sarajevo CXXXVI (stari premjer), općina Centar, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove dozvole.
 - 3.2. Da korisnik objekta, za sve vrijeme trajanja ove vodne dozvole, obezbjeđuje da se tehnološke otpadne vode iz autopraonice prikupljaju putem slivne rešetke u centralni sabirnik, te nakon taloženja odvedu do separatora ulja i naftnih derivata, a zatim prečišćene preko okna za monitoring kanalizacionim cijevima odvedu do priključka izvedenog na zacjevljeni Koševski potok.
 - 3.3. Da korisnik objekta, za sve vrijeme trajanja ove vodne dozvole, obezbjeđuje da se oborinske onečišćene vode sa parking i saobraćajnih površina nesmetano sakupljaju putem slivnika sa slivnom rešetkom i kanalizacionim cijevima odvedu do tipskog separatora ulja i naftnih derivata, a zatim prečišćene preko okna za monitoring kanalizacionim cijevima odvedu do priključka izvedenog na zacjevljeni Koševski potok.
 - 3.4. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Prečišćena otpadna voda mora ostati u maksimalno dopuštenim granicama

definiranim Uredbom o uslovima ispuštanja otpadnih voda u okoliš i sisteme javne kanalizacije.

- 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Prikupljanje, odvoz i konačno zbrinjavanje opasnog otpada (mulj iz separatora, rabljena motorna ulja, zauljene krpe i sl.) sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «ABC-1968» d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete..
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice «ABC-1968» d.o.o. Sarajevo se pismenim putem obratilo ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta – autoservis, autopraonica i salon automobila, izgrađenog na zemljištu označenom kao k.č. broj 1541/3 i k.č. 1646/2 K.O. Sarajevo VI (novi premjer), što odgovara k.č. broj 2645 K.O. Sarajevo LIV i k.č. broj 2545 K.O. Sarajevo CXXXVI (stari premjer), općina Centar, Sarajevo.

U provedenom postupku dostavljena je i pregledana slijedeća dokumentacija:

- Ovjereni kopija Rješenja o upisu u sudski registar Kantonalnog suda u Sarajevu, broj: UF/I-2872/00 od 26.02.2001. godine;
- Ovjereni kopija uvjerenja o poreznoj registraciji «ABC-1968» d.o.o. Sarajevo, izdatog od strane Porezne uprave – Kantonalni ured Sarajevo dana 11.12.2002. godine;
- Ovjereni kopija uvjerenja o registraciji obveznika poreza na dodanu vrijednost u jedinstveni registar obveznika indirektnih poreza «ABC-1968» d.o.o. Sarajevo, broj: 04/5-1/IV-17-1—5684-1536/05 od 12.11.2005. godine izdatog od strane Uprave za indirektno – neizravno oporezivanje Banja Luka;
- Kopija Rješenja o odobrenju za upotrebu (legalizacija bespravno izvedenih radova) donesenog od strane Službe za upravu za prostorno uređenje i komunalne poslove Općine Centar Sarajevo, broj: 07-23-3144/03 dana 12.08.2003. godine;
- Kopija Rješenja o odobrenju za izvođenje radova na izgradnji poslovnog objekta, donesenog od strane Službe za upravu za prostorno uređenje i komunalne poslove Općine Centar Sarajevo, broj: 07-23-226/05 dana 27.05.2005. godine;
- Saglasnost za izgradnju poslovnog objekta data od strane KJKP „Vodovod i kanalizacija” d.o.o. Sarajevo, broj: 3-30-1898-2-TSK dana 20.07.2004. godine;
- Kopija Rješenja o vodnoj dozvoli donesenog od strane Agencije za vodno područje rijeke Save, broj: UP-I/25-3-40-402-3/14 dana 24.07.2014. godine;
- Izvještaj o ispitivanju kvaliteta (monitoringa) otpadnih voda za lokaciju „ABC-1968” d.o.o. Sarajevo, urađenog od strane „DVOKUTPRO” Sarajevo, august 2021. godine.;
- Kopija Ugovora sklopljenog sa „DELTA PETROL” d.o.o. Kakanj o izvođenju radova na odvozu i zbrinjavanju opasnog otpada sa predmetne lokacije, broj: 0795/21 dana 30.04.2021. godine;
- Glavni projekat – auto salon i servis Citroen ABC-1968, urađen od strane projektne kuće „ARCO ad” d.o.o. Sarajevo, juni 2004. godine (na uvid);
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-363-2/21 dana 06.08.2021. godine i konstatovano slijedeće:

Predmetni objekat sa pratećim sadržajima – upravna zgrada sa salonom automobila, servisna radionica, autoprionica, interne saobraćajnice i parking prostor - izgrađen je u ulici Ciglanska 28, na zemljištu označenom kao k.č. broj 1541/3 i k.č. 1646/2 K.O. Sarajevo VI (novi premjer), općina Centar Sarajevo. Osnovna djelatnost firme je kompletno servisiranje auta, pranje auta i prodaja auta.

Tehnološke otpadne vode iz autoprionice, koja je smještena u podrumu objekta, se prikupljaju putem slivne rešetke u centralni sabirnik sa filterom. Otpadna voda se nakon filtriranja pumpom izbacuje na visinu od 7 m u okno gdje je smješten tipski separator ulja i naftnih derivata, na koji se dovode i oborinske onečišćene vode prikupljene putem slivnika sa internih saobraćajnica i parking prostora. Prečišćene vode iz separatora se preko monitoring okna odvođe do priključka izvedenog na zacjevljeni Koševski potok.

U servisnoj radionici se vrši i zamjena rabljenih motornih ulja, koja se prikupljaju direktno u rezervoar za otpadna ulja, te se pakuju u metalnu burad. Zbrinjavanje i odvoz rabljenih motornih ulja, zauljenih krpa, uljnih filtera i sl. iz autoservisa, kao i čišćenje i zbrinjavanje sadržaja iz separatora, se vrši od strane lica ovlaštenog za ovu vrstu djelatnosti, prema sklopljenom ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) i tačka cc) i člana 13. i 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva «ABC-1968» d.o.o. Sarajevo ispunio minimum uslova za izdavanje vodne dozvole za ispuštanje tehnoloških otpadnih voda i oborinskih onečišćenih voda u prirodni recipijent, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**22- Po ovlaštenju Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- «ABC-1968» d.o.o. Sarajevo, Ciglanska 28, 71000 Sarajevo
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava